

杜詩集注

第二
卷
七
冊



集千家註杜工部詩集卷之十

明長洲許自昌玄樸甫校

九日

廣德元年秋閬州冬梓州作鵲曰是年秋公自梓暫往閬州冬復至梓州

去年登高鄴縣北今日重在涪江濱
苦遭白髮不相

放羞見黃花無數新世亂鬱鬱久爲客
路難悠悠常

傍人酒闌却憶十年事腸斷驪山清路塵

鶴曰鄴縣屬梓州涪

江水東南合梓州之射江孫曰驪山指舊日明皇遊幸也

薄暮

江水最深地山雲薄暮時寒花隱亂草宿鳥擇深枝

寒花隱亂草似鄭谷亂後牡丹云懶是蓬蒿力遽藏見太平意也兩語甚傷

舊國見何日

高秋心苦悲人生不再好鬢髮白成絲

薄遊

浙浙風生砌團團月隱墻遙空秋鴈滅半嶺暮雲長
病葉多先墜寒花只暫香巴城添淚眼今夕復秋光

王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤
良會不復久此生何太勞窮愁但有骨羣盜尚如毛
吾舅惜分手使君寒贈袍沙頭暮黃鶴失侶亦哀號

後山詩話杜牧云南山與秋色氣勢兩相高最爲警
絕而子美纔用一句云千崖秋氣高語益工鶴曰時
吐蕃党項與僕固懷恩之亂
方殷故有羣盜尚如毛之句

閬州奉送二十四舅使自京赴任青城

鶴曰青城縣屬

蜀州

聞道王喬烏名因太史傳如何碧雞使把詔紫微天
秦嶺愁回馬涪江醉泛船青城漫污雜吾舅意淒然

宋曰漢王喬爲葉令每朔望自縣詣臺朝明帝怪其
來數令太史伺望之言其臨至有雙鳧飛來於是舉
羅張之得一双舄焉定功曰漢書方士言益州有金
馬碧雞可祭祀致也宣帝使王褒往祀焉鄭曰秦嶺
在秦州

閬州東樓筵奉送十一舅往青城縣得昏字

會城有高樓制古丹牖存迢迢百餘尺豁達開四門
雖有車馬客而無人世喧遊目俯大江列筵慰別魂
是時秋冬交節往顏色昏天寒鳥獸伏霜露在草根
今我送舅氏萬感集清罇豈伊山川間迴首盜賊繁
高賢意不暇王命久崩奔臨風欲慟哭聲出已復吞

南池

崢嶸巴閬間所向盡山谷安知有蒼池萬頃浸坤軸
呀然閬城南枕帶巴江腹芰荷入異縣秔稻共比屋

皇天不無意美利戒止足高田失西成此物頗豐熟
清源多衆魚遠岼富喬木獨歎楓香林春時好顏色
南有漢王祠終朝走巫祝歌舞散靈衣荒哉舊風俗
高堂亦明王魂魄猶正直不應空陂上縹緲親酒食
淫祀自古昔非惟一川瀆千戈浩茫茫地僻傷極目
平生江海興遭亂身局促駐馬問漁舟躊躇慰羈束
夢弼曰昔項羽封高祖於漢中漢中與閬皆屬利州
路故此地之南有漢王祠在焉四時巫祝奔走以祭
之乃其俗也靈衣謂神衣
昱曰呀虛加切張口貌

放船

送客蒼溪縣山寒雨不開直愁騎馬滑故作泛舟迴

青惜峰巒過黃知橘柚來江流大自在坐穩興悠哉

鮑曰唐志蒼溪縣屬閬州葛常之曰五言律詩於對聯中十字作一意詩家謂之十字格如老杜放船詩

云直愁騎馬滑故作泛州迴對雨詩云不愁巴道路

也鮑曰青惜峰巒過黃知橘柚來舟行湍移景物如

畫雖速而不言速也吳子良荆溪林下偶談錢起云

山來指樵火峰去惜花林不若

子美青惜峰巒過黃知橘柚來

興嚴二歸奉禮別

鶴曰按唐志太常寺奉禮郎二人掌君臣版位以奉朝會

祭祀之禮

別君誰暖眼

反冷眼為新音

將老病纏身出涕同斜日臨

風看去塵商歌還入夜巴俗自爲鄰

六句字
字警

尚愧微

軀在遙聞盛禮新山東羣盜散闕下受降頻諸將歸

應盡題書報旅人

鶴曰山東羣盜謂來瑱自襄陽朝
京師分諸將戍福昌南陽瑱誅戍

者潰是時李懷仙以幽州降田承嗣以魏州降及薛
嵩張忠志等以諸州降故云受降頻其降在去年冬

是年
春也

贈裴南部聞袁判官自來欲有按問

鶴曰南部
縣屬閬州

塵滿萊蕪旣堂橫單父琴人皆知飲水公輩不偷金

梁獄書應作

公自述
去聲

秦臺鏡欲臨獨醒時所嫉羣小

謗能深卽出黃沙在應須白髮侵使君傳舊德已見

直繩心

夢弼曰後漢范丹字史雲嘗為萊蕪長窮居自若閭里歌之曰甌中生塵范史雲釜中生

魚范萊蕪呂氏春秋宓子賤為單父宰彈琴身不下堂而治漢鄒陽之梁從孝王遊羊勝等譖毀之下陽

吏陽從獄中上書書奏孝王出之卒為上客史記秦始皇有方鏡照見人心膽

對雨

莽莽天涯雨江邊獨立時不愁巴道路恐失漢旌旗

失舊作濕失字好謂雨中遠道不見也

雪嶺防秋急繩橋戡勝遲西戎

甥舅禮未敢背恩私

宋曰雪嶺西山正控吐蕃鶴曰

山有松州傳適上疏

言西山三城列戍民罷于役是也唐注唐與有羊灌田朋竿繩橋三城今指繩橋蓋三城之一非謂岷

江以竹繩為橋也趙曰吐蕃本西羌屬太宗中宗時以公主妻之

警急

公自注時高適領西川節度使鶴曰去年

元一年代崔光遠正是攝也夢弼曰按史是年吐蕃寇隴右適出兵南鄙以牽制之既無功遂亡松維保三州及雲山城公是詩作於松維未陷之前漢書邊防備警急

才名舊楚將妙略擁兵機玉壘雖傳檄松州會解圍

和親知計拙公主漫無歸青海今誰得西戎實飽飛

飽飛語強○夢弼曰高適嘗為揚州都督長史淮南節度故言舊楚將也玉壘山名在蜀州青城縣趙曰言青海為吐蕃所有其勢如鷹之飽而飛颺不就縶繼也

王命

漢北豺狼滿巴西道路難血埋諸將甲骨斷使臣鞍

鐵堂峽詩云
我馬骨正折

牢落新燒棧蒼茫舊築壇深懷喻蜀意

勸哭望王官

趙曰按史肅宗時吐蕃數來請和雖知其詐姑務紓患是年使李之芳崔倫往

聘吐蕃留不遣十月破邠州入奉天代宗幸陝十二月陷松維保三州鶴曰是年吐蕃入寇詔焚大散關及逼京畿旋命郭子儀禦敵子儀久閑廢纔得二十騎而行趙曰司馬相如有喻巴蜀檄公止取喻蜀字以言蜀父老望王官之至也

征夫

鶴曰警急王命征夫三首皆為高適作吐蕃入寇高適在蜀調征夫防守卒陷松維

等州故首篇有才名妙略之稱而其下皆敗北之事所以諷之也

十室幾人在千山空自多路衢惟見哭城市不聞歌

漂梗無安地銜枚有荷戈官軍未通蜀吾道竟如何

漁陽

（鶴曰）按史是年十月吐蕃寇奉天京師戒嚴以雍王适爲關內兵馬元帥郭子儀副

之（趙曰）漁陽指雍

王所統之兵也

漁陽突騎猶精銳赫赫雍王都節制猛將飄然恐後

時本朝不入非高計祿山北築雄武城舊防敗走歸

其營繫書請問燕耆舊今日何須十萬兵

（鮑曰）光武曰吾聞漁

陽上谷遊騎天下精兵（趙曰）按編年通載十月雍王适大敗史朝義將以沐州降十一月薛嵩等以五州降公聞雍王出師之勝而尚聞河北猶有負固者故言諸將飄然而來已爲後時而乃不入本朝豈高計乎（洙曰）按史祿山反時築壘范陽非號雄武以峙兵聚糧（趙曰）此舉往事以懲警之也言祿山初爲走計而竟不保耳繫書用魯仲連爲書約之矢以射聊城中

西山三首

深曰按史明皇還蜀後復分東西兩川爲兩節度西山列防秋三戌民罷

于役高適嘗上疏論之不听又按西山有松州正當吐蕃要衝也

夷界荒山頂蕃州積雪邊築城依白帝轉粟上青天

蜀將分旗鼓羌兵助鎧鋌西南背和好殺氣日相纏

希曰築城依白帝言西山築城高欲依於白帝故公言轉粟之難如上青天非指公孫述特借用其字耳高適上疏所謂平戍以西數城邈在窮山之巔蹊險絕運糧於束馬之路坐甲於無人之鄉也趙曰時吐蕃圍松州勢迫近蜀故云蜀將分旂鼓以禦之也

辛苦三城成長防萬里秋煙塵侵火井雨雪閉松州

風動將軍幕天寒使者裘漫山賊營壘迴首得無憂

鶴曰蜀有火井在邛州故邛有火井縣

子弟猶深入關城未解圍蠶崖鐵馬瘦灌口米船稀

辯士安邊策元戎決勝威今朝烏鵲喜欲報凱歌歸

洙曰蚕崖灌口並西山隘口地名趙曰言戰馬不是充戰而瘦米船以運多不繼而稀也

遣憂

鶴曰是年十月吐蕃陷京師代宗出幸陝州蓋由宣官程元振輩在朝專權遂致召

亂太常博士柳伋上疏其詞切直豈虛言哉公至是亦有受諫無今日之句可謂憂國之言也

亂離知又甚消息苦難真受諫無今日臨危憶古人

如此苦語無限哀怨○忠臣更事之感後時之痛百世同之

紛紛乘白馬攘攘著

黃巾隋氏留宮室焚燒何太頻

夢弼曰南史侯景傳先是童謠云青絲白

馬壽陽來至過陽之敗景乘白馬青絲爲轡以應識
後漢靈帝時鉅鹿人張角自稱天公其部帥有三十
六方人皆著黃巾同日反叛

巴山

巴山遇中使云自峽城來盜賊還奔突乘輿恐未迴

天塞邵伯樹地濶望仙臺狼狽風塵裏羣臣安在哉

夢弼曰三輔黃圖望仙臺漢武帝所建在華州華陰縣

早花

西京安穩未不見一人來

是起意

臘月巴江曲山花已

自開盈盈當雪杏豔豔待香梅直苦風塵暗誰憂客

鬢僅

城上

草滿巴西綠空城白日長風吹花片片春動水茫茫

漸近自然

八駿隨天子羣臣從武皇遙聞出巡狩早晚遍

還荒

宋曰周穆王巡行天下馭八龍之駿漢武帝初幸汾陰至洛陽侵尋於泰山其所巡幸周萬八

千里趙曰京師陷代宗如陝州此姑以巡狩而言也

送李卿

鶴曰按宗室世系曄大鄭王房日淮安忠公琇之子終刑部侍郎

王子思歸日長安已亂兵霑衣問行在走馬向承明

暮景巴蜀僻春風江漢清晉山雖自棄

晉山字隱魏闕尚

含情

趙曰承明漢殿名夢弼曰昔王子晉學仙隱于緱山是曰晉山又地理志閬州有晉安縣本晉

城時公與李曄俱在閬故也莊子身在江湖之上心遊魏闕之下魏闕者謂雉門之外兩觀闕高巍巍然故云

魏闕

發閬中

鶴曰是年冬公自閬復歸梓州

前有毒蛇後猛虎溪行盡日無村塢江風蕭蕭雲拂地山木慘慘天欲雨女病妻憂歸意速秋花錦石誰能數別家三月一得書避地何時免愁苦

歲暮

歲暮遠爲客邊隅還用兵煙塵犯雪嶺鼓角動江城